

海源閣叢書

海源閣叢書

助字辨略卷三目錄

上聲

孔

統

總

動

只

軋通

是

彼

俛

此

俾

爾

尔同

耳

底

抵通

止

以

呂同

已

里附

似

比

使

始

唯

幾

矣

豈

匪

猥

與

許

所

舉

甫

取

愈俞通

殆

乃迺同

忍

準

近

宛

亶但通

但

每

迨

矧

盡儘同

允

反

本

誕

斷

倪

鮮

匙同

展

蹇

轉

小

少

了

好

可

果

坐

叵

頗

夥

舍

者

也

雅

且

囟

黨

妄

請

頃

整

可

假

往

儻

枉

併

鼎

竝

並同

等

有

否

後后通

某

寢浸寢滯浸同

甚

敢

奄

偶

苟

陡

審

恁

漸

慤

助字辨略卷三

確山劉淇武仲

孔爾雅云甚也詩國風父母孔邇書禹貢九江孔殷
統後漢書胡廣傳夫紆於物則非己直於志則犯俗
辭其艱則乖義徇其節則失身統之方軌易因險塗
難御故昔人明慎於所受之分遲遲於岐路之間也
注云統者總論上事也愚案統之猶言總之

總廣韻云合也皆也愚案統也都凡之辭也史記五
帝紀總之不離古文者近是杜元凱左傳序傳之義

且三
例總歸諸凡

動 漢書食貨志又動欲慕古不度時宜世說簡文爲
相事動經年然後得過李義山詩殷憂動卽來凡云
動者卽兼動輒之義乃省文也動舉動也輒卽也言
每舉動卽如此也

只 說文云語已辭左傳襄公二十七年叔向謂趙孟
曰諸侯歸晉之德只非歸其尸盟也杜注云只辭也
又詩國風樂只君子鄭箋云又能以禮義樂其君子
正義云南山有臺箋云只之言是則此只亦爲是此

箋云樂其君子猶言樂是君子矣朱傳云只語助辭
愚案德只樂只竝助辭也如國風母也天只不諒人
只宋玉大招純用只字乃語已辭如今思之屬又通
作軹莊子大宗師而奚來爲軹崔謨云軹辭也又莊
子徐無鬼請只風與日相與守河而河以爲未始其
櫻也杜子美詩寒花只暫香又云只想竹林眠此只
字義同止猶云但也

是 非之反也論語是知也孟子是尙友也又此也孟
子非是之謂也漢書刑法志有君若是其賢也若是

猶如此也又書蔡仲之命惟德是輔論語今之孝者是謂能養左傳昭公七年公曰何謂六物對曰歲時日月星辰是謂也此是字語助不爲義也爾雅云時是也又云實是也詩伊可懷也鄭箋云伊當作繫猶是也然則時實伊是皆音相近故通得爲語助也又史記鄭世家子亹曰齊強而厲公居櫟卽不從是率諸侯伐我內厲公我不如往此是字謂齊指物之辭也又易繫辭是興神物以前民用此是字發語辭猶云爰也又顏氏家訓呂尙之兒如不爲上趙壹之子

儻不作一便是下筆卽妨是書皆觸也是書之是猶
凡也言凡是書札皆觸忌諱也今謂處處曰是處猶
云到處也又左傳桓公六年於是乎民和而神降之
福僖公二十五年晉於是乎作爰田晉於是乎作州
兵昭公元年於是有煩手淫聲悖堙心目漢書高帝
紀於是陳平夜出女子東門二千餘人萬石君傳奮
長子建次甲次乙次慶皆以馴行孝謹官至二千石
於是景帝曰石君及四子皆二千石人臣尊寵舉集
其門號奮爲萬石君於是者繼事之辭猶云爰乃也

又隱公十一年君子謂鄭莊公於是乎有禮襄公三年君子謂祁奚於是能舉善矣案傳謂鄭莊公定許而不有此一處置爲中乎禮故云於是乎有禮祁奚三舉皆不私故云於是能舉善皆因前事而爲論定之辭或云君子謂鄭莊公於是乎有禮者言有禮僅見於此而它處不然乃禹刺之文然則祁奚可容刺耶知不然矣又左傳僖公十五年震夷伯之廟罪之也於是展氏有隱慝焉史記項羽紀廣陵人召平於是爲陳王徇廣陵未下韓退之董太傅狀又拜國子

祭酒宣慰恆州於是朱滔自范陽以回紇之師助亂
人大恐此於是猶云其時尙書諸時字竝訓作是則
是亦可通作時也又孟子則是方四十里爲阱於國
中駱賓王上司刑太常伯啟側聞魯澤祥麟希委質
于宣父吳阪逸驥實長鳴于孫陽是則所貴在乎見
知所屈伸乎知己則是是則其義竝同承上文爲斷
辭也又漢書高帝紀是日車駕西都長安是日猶卽
日也又左傳僖公十五年三施而不報是以來也孟
子是以若彼濯濯也詩關雎序是以一國之事繫一

人之本正義云是以者承上生下之辭言詩人作詩
用心如此愚案是以猶云所以

彼 廣韻云對此之稱愚案俗謂此曰者箇曰者樣謂
彼曰那箇曰那樣如詩國風嘒彼小星彼茁者葭此
彼字猶云那箇也如孟子管仲得君如彼其專也此
彼字猶云那樣也義微有別

俛 列子俛俛成者倘成者也初非成也俛幾也將也
倘似也言將成有似於成本非成也俛與危音相近
故得爲幾將之辭

此是也茲也彼之對也禮記禮運如此乎禮之急也
孟子其自任以天下之重也如此又云如此然後可
以爲民父母漢書刑法志宣帝自在閭閻而知其若
此又云夫以孝文之仁平勃之知猶有過刑謬論如
此甚也又指物之辭左傳莊公二十二年陳衰此其
昌乎此謂敬仲也又大學此以沒世不忘也此以猶
云是以所以又大學有德此有人有人此有土有土
此有財有財此有用後漢書黃瓊傳自生民以來善
政少而亂俗多必待堯舜之君此爲志士終無時矣